

# KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA  
No. 13 Persiaran Perdana, Presint 2,  
62623 Putrajaya  
No. Telefon : 03-8882 5562  
No. Fax : 03-8882 5569

## PENGUMUMAN PENENTUAN HARGA MAKSIMUM BARANGAN HARGA TERKAWAL SKIM KAWALAN HARGA MUSIM PERAYAAN KRISMAS 2018

**KUALA LUMPUR, 17 DISEMBER 2018** - Sebagai Kerajaan yang prihatin dan serius dalam menangani kos sara hidup yang meningkat pada masa kini, banyak inisiatif dilakukan bagi memastikan harga barangan adalah berpatutan dan stabil.

Kementerian Perdagangan Dalam dan Hal Ehwal Pengguna (KPDNHEP) sentiasa menjalankan pemantauan dan penguatkuasaan yang rapi sepanjang masa dalam memastikan kestabilan harga barang di pasaran.

Antara tindakan-tindakan yang telah diambil adalah:

- i. menguatkuasakan **Akta Kawalan Harga dan Antipencatutan 2011** bagi mengawal pengambilan untung secara tidak munasabah oleh peniaga;
- ii. menguatkuasakan **Perintah Kawalan Harga (Penandaan Harga oleh Penjual Runcit) 1993** bagi mewajibkan peniaga meletak tanda harga ke atas barangan yang dijual atau mempamerkan senarai harga;
- iii. melaksanakan **Skim Kawalan Harga Musim Perayaan** bagi mengawal harga barang keperluan musim perayaan tertentu semasa musim-musim perayaan utama dalam negara
- iv. KPDNHEP akan melaksanakan Skim Kawalan Harga Musim Perayaan Krismas 2018 **sebagai langkah untuk menyekat kenaikan harga barangan keperluan menjelang perayaan Krismas yang akan disambut pada 25 Disember 2018** diseluruh negara. Tarikh kuat kuasa Skim ini adalah dari **23 Disember hingga 27 Disember 2018**.

Tempoh kuat kuasa bagi SKHMP KRISMAS 2018 adalah selama **5 hari** iaitu selama **2 hari sebelum perayaan, pada hari perayaan dan 2 hari selepas hari perayaan.**

Skim ini akan dilaksanakan di bawah **Akta Kawalan Harga dan Antipencatutan 2011**.

Kementerian ini telah mengenal pasti sebanyak **16 jenis barangan** bagi pelaksanaan **Skim Kawalan Harga Musim Perayaan Krismas 2018**. Kategori barangan harga terkawal terdiri daripada ayam, telur ayam, sayuran, daging kambing dan daging babi.

**Senarai barangan dan harga** bagi **SKHMP KRISMAS 2018** adalah seperti berikut:

- (1) Ayam hidup
- (2) Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya)
- (3) Ayam super (disembelih dan dibersihkan tanpa kaki, kepala, hati dan hempedal)
- (4) Ayam tua hidup (***\*Harga maksimum di Sarawak sahaja***)
- (5) Ayam belanda import
- (6) Kepak Ayam (***\*Harga maksimum di Sabah, Sarawak & Labuan sahaja***)
- (7) Daging kambing tempatan bertulang (***\*Harga maksimum di Semenanjung sahaja***)
- (8) Daging kambing dan daging bebiri import bertulang
- (9) Telur ayam gred A (berat antara 65.0 gram hingga 69.9 gram sebiji)
- (10) Telur ayam gred B (berat antara 60.0 gram hingga 64.9 gram sebiji)
- (11) Telur ayam gred C (berat antara 55.0 gram hingga 59.9 gram sebiji)
- (12) Tomato
- (13) Lada benggala hijau
- (14) Babi hidup (***Kawalan diperingkat ladang sahaja***)
- (15) Daging babi (perut) (***\*Harga maksimum di Sabah, Sarawak & Labuan sahaja***)
- (16) Daging babi (daging dan lemak) (***\*Harga maksimum di Sabah, Sarawak & Labuan sahaja***)

-lagi-

Penentuan harga maksimum **pengeluar, borong dan runcit** dibuat mengikut **kewajaran dan kesesuaian bagi penguatkuasaan kawalan harga yang lebih berkesan** untuk **memastikan harga yang berpatutan bagi manfaat pengguna dan peniaga.**

KPDNHEP menentukan harga maksimum pengeluar, borong dan runcit berdasarkan kepada maklumat harga dari punca-punca berikut:

- (i) pemantauan harga di semua daerah di seluruh negara sepanjang tahun 2018 dan pada bulan Januari hingga Disember 2018 berdasarkan kepada pungutan harga yang ditetapkan secara mingguan oleh KPDNHEP;
- (ii) pandangan pelbagai agensi Kerajaan yang berkaitan iaitu Jabatan Pertanian Malaysia, Jabatan Perkhidmatan Veterinar (JPV) dan Lembaga Pemasaran Pertanian Persekutuan (FAMA) ; dan
- (iii) perbincangan dengan pengeluar, pengimport, pembekal dan pemborong barangan tersebut.

Penentuan harga barangan bagi negeri-negeri dibuat mengikut kesesuaian harga pasaran semasa dan mengambil kira faktor perubahan harga, khususnya bagi barangan import yang dipengaruhi harga di negara asal, perubahan kadar tukaran mata wang dan peningkatan kos utiliti penternak.

Bagi membendung kenaikan harga yang tidak munasabah oleh peniaga yang tidak bertanggungjawab, **tindakan pengeluaran notis di bawah seksyen 21, Akta Kawalan Harga dan Antipencatutan 2011 dilaksanakan** ke atas mana-mana pihak yang didapati menaikkan harga secara mendadak dan ketara.

Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini.** Mana-mana peniaga yang melakukan kesalahan akan diambil tindakan di bawah **Akta Kawalan Harga dan Antipencatutan 2011** dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**
  - (a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan
  - (b) **Syarikat;** boleh didenda sehingga RM500,000 atau dikompaun sehingga RM250,000;

- (ii) **kesalahan gagal meletakkan tanda harga berwarna merah jambu** bagi barangan harga terkawal:
  - (a) **individu**; boleh didenda oleh mahkamah sehingga RM10,000 atau dikompaun sehingga RM5,000; dan
  - (b) **syarikat**; boleh didenda sehingga RM20,000 atau dikompaun sehingga RM10,000.

**Kementerian Pertanian dan Industri Asas Tani** akan membuat pemantauan untuk memastikan bekalan barangan adalah mencukupi dan memastikan harga dipasaran adalah berpatutan. Disamping itu, **Pegawai Penguatkuasa KPDNHEP** akan **berada di lokasi-lokasi yang menjadi tumpuan orang ramai membeli-belah** seperti pasar awam, pasar tani dan pasaraya untuk **menjalankan pemeriksaan dan pemantauan**.

Langkah-langkah ini mencerminkan usaha berterusan bagi **melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika** semasa musim perayaan.

Kementerian turut memperkukuhkan pemantuan harga dengan mengadakan kerjasama bersama pelbagai pihak, antara lain:

- i. **Pegawai Pemantau Harga** yang menjalankan pemantauan harga barangan keperluan asas di seluruh negara di bawah Kementerian;
- ii. **Friends Of KPDNHEP (FOK)** yang merupakan mata dan telinga Kementerian. Kementerian akan bekerjasama dengan Pengguna yang menyertai program ini bagi menyebarkan maklumat berhubung kepenggunaan terutama mengenai isu harga barang; dan
- iii. **Kerajaan Negeri dan Agensi Kerajaan** lain serta penglibatan **penghulu dan penggawa** dalam membantu memantau dan menyalurkan maklumat kenaikan harga barangan.

Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga. **Kementerian** turut mewujudkan **Skuad Tindakan Aduan Rakyat (STAR)** dalam usaha untuk **menangani aduan** rakyat dengan lebih **berkesan**.

**Peniaga** hendaklah mematuhi arahan yang dikenakan dan mengamalkan sikap beretika dalam menguruskan perniagaan manakala **pengguna** mestilah mengetahui tanggungjawab dan menggunakan hak mereka.

Disamping itu, di ingatkan agar Pengeluar, Pemborong dan Peruncit tidak menaikkan harga secara mendadak selepas berakhirnya pelaksanaan Skim ini. Skim ini akan berjaya sekiranya semua pihak bertanggungjawab dan memainkan peranan masing-masing.

Jika didapati ada peniaga yang tidak mematuhi undang-undang berkenaan dengan skim ini, **pengguna boleh menyalurkan aduan** kepada Kementerian ini melalui:

**APAKAH SALURAN ADUAN YANG DISEDIAKAN KEPADA PENGGUNA ?**

**BERIKUT ADALAH SALURAN ADUAN RASMI :**

- 01** Portal e-aduan.kpdnhep (<https://eaduan.kpdnkk.gov.my/>)
- 02** Call centre 1 800 886 800
- 03** Emel e-aduan@kpdnkk.gov.my
- 04** Ez ADU KPDNHEP (aplikasi telefon pintar)
- 05** Pusat Informasi & Gerakan Strategik (PIGOS) : 03 -8882 6088/ 6245
- 06** Hadir sendiri ke Pejabat KPDNHEP yang berdekatan
- 07** Whatsapp 019-279 4317
- 08** Surat Rasmi ke Pejabat KPDNHEP berdekatan
- 09** Bilik Gerakan KPDNHEP Negeri (senarai nombor talian layari portal rasmi KPDNHEP)

@mykpdnhep

###